



CITY of BOSTON

City of Boston
c/o Direct Energy
P.O. Box 180
Tulsa, OK 74101-0180

Presort First Class
U.S. Postage Paid
Boston, MA
Permit #1736

KA BU BOTA NA LIXU - AVIZU INPURTANTI SOBRI ILETRISIDADI RATES



Es karta li tene informason inportanti sobri bu fatura di iletrisidadi.

12 di siténbru di 2025

Stimadu Vizinhu,

Bu fornecedor atual di iletrisidadi é *Eversource Basic Service* (Sirvisu Báziku di Eversource). Kel-li signifika ma Eversource ta distribui y ta fornese bu iletrisidadi. Apartir di nuvémbu di 2025, bu nóvu fornecedor ta ser **Boston Community Choice Electricity (BCCE)**.

KUZÊ K'É BCCE?

Boston Community Choice Electricity é programa di fornecimentu di iletrisidadi di Kámara Munisipal di Boston, ki ta fornese iletrisidadi stável, rinovável y na bon présu pa renderus, dónus di kaza y pikénus stabelesimentu kumersial. Es Programa ta pirmiti pa Kámara Munisipal kontrata fornecedoris di iletrisidadi dirétamenti, na nómi di nos moradoris y inprezários, pa oferese un alternativa a Sirvisu Báziku di Eversource. Direct Energy, fornecedor atual di BCCE, ta fornese iletrisidadi pa tudu klienti ki sta atualmenti inskriu na Programa, ti fin di 2027. Enbóra es Programa ta substitui Eversource komu bu fornecedor di iletrisidadi, Eversource ta kontinua ta distribui bu iletrisidadi y fatura mensal.

Kuzê ki ta muda:	Kuzê ki ta kontinua igual:
- Fornecimentu di iletrisidadi ta ben di Kámara Munisipal di Boston, atravê di se fornecedor kontratadu atual, Direct Energy. "Billing for the City of Boston CCE" (Faturason pa CCE di Kámara Munisipal di Boston) ta parse na bu fatura komu bu fornecedor di iletrisidadi. - Bu tarifa di fornecimentu di iletrisidadi ta ser planu Padron di Programa, ki é \$0,14805/kWh duranti un mês, dipos ta riduzi pa \$0,14231/kWh ti dizénbru di 2027.	- Eversource ta prusesa distribuison di iletrisidadi, jeston di kóna y faturason. - Eversource ta risponde a imerjências, ta faze leitura di kontador y ta faze manutençon di linhas di distribuison y transmison. - Bu ta kontinua ta ten tudu direitu y pruteson di klienti, ki bu tene gósi.

KUZÊ KI N MESTE FAZE?

→ **Si bu ka toma ninhun midida:** bu ta fika inskriu autumátikamenti na planu *Standard* di BCCE, ki é planu padron di Programa, apartir di mês di nuvémbu, y **"Billing for City of Boston CCE"** ta parse komu bu fornecedor na bu fatura di mês di dizénbru.

Óra ki bu kóna ser rijistadu pa siklu di faturason di nuvémbu, bu tarifa di iletrisidadi ta ser \$0,14805/kWh. Nóvu kontratu di fornecimentu di iletrisidadi di BCC ta kumesa na dizénbru di 2025. Apartir di siklu di faturason di dizénbru, bu nóvu tarifa di planu Padron ta ser \$0,14231/kWh ti dizénbru di 2027.

→ **Si bu ta prifiri ka partisipa:** sina kel karton di opt-out (ka partisipa) ki sta bai en anéksu, y manda-l pa kureiu, antis di dia 16 di otubru di 2025. Bu pode tanbe txoma Direct Energy pa númeru (855) 402-5868, ô prenxe kel formuláriu di opson pa ka partisipa, na boston.gov/bcce. Eversource ta kontinua ta ser bu fornecedor di iletrisidadi, y bu ta paga ses tarifa, ki ta muda di sais en sais mês.

Moradoris ki ta resebe asisténsia públiku y ki ten rendimentu familiar igual ô ménus ki 60% di rendimentu medianu di stadu, pode kualifika pa resebe diskontu na ses fatura di iletrisidadi. Partisipason na BCCE **ka ta** intirfiri ku ninhun kréditu, planu di pagamentu, diskontu ô asisténsia di Eversource. Pa popa inda más, bu pode skodje planu Opsional Báziku (atualmenti \$0.14205/kWh). Vizita boston.gov/energy pa más informason.

Muda pa planu Verdi 100 (atualmenti \$0.17195/kWh), un opson fásil y ikunómikamenti asesível pa apoia inerjia linpu. Tudú inerjia rinovável na Programa ta jeradu na Nóva Inglatéra. Óra ki bu skodje Verdi 100, bu ta dizenpenha un papel fundamental na riduzi puluison, na pruteje ambiente, y na djuda Boston a bira neutru en karbónu. Aderi oji na boston.gov/bcce.

NÓVUS TARIFA DI PRUGRAMA

Tarifas kontratual atual ta ben diminui na dizénbru. Nówus tarifa ta ben mante fiksi ti dizénbru di 2027.

BOSTON COMMUNITY CHOICE ELECTRICITY (BCCE)				EVERSOURCE
OPSIONAL BÁZIKU		PADRON	OPSIONAL VERDI 100	SIRVISU BÁZIKU
TARIFA	\$0,13661/ kWh	\$0,14231/ kWh	\$0,16248 / kWh	Rizidensial: \$0,14884/kWh C&I Pikinóti: \$0,15150/kWh C&I Médiu y Grandi: \$0,18127/kWh Iluminason Públiku: \$0,15150/kWh
Durason	Dizénbru di 2025 – Dizénbru di 2027			Rizidensial: 1 di agostu di 2025 – 31 di janeru di 2026 C&I Pikinóti: 1 di agostu di 2025 – 31 di janeru di 2026 C&I Médiu y Grandi: 1 di nuvénbru di 2025 – 31 di janeru di 2026 Iluminason Públiku: 1 di agostu di 2025 – 31 di janeru di 2026
Kontiúdu di Inerjia Rinovável di Klasi I di MA	27% Rinovável Ta kunpri rikizitu mínimu di inerjia rinovável di Massachusetts	42% Rinovável Ta akresenta 15% di RECs di Klasi I di MA riba di rikizitu mínimu si stadu	100% Rinovável Ta akresenta 73% di RECs di Klasi I di MA riba di rikizitu mínimu si stadu	27% Rinovável Ta kunpri rikizitu mínimu di inerjia rinovável di Massachusetts
Kondisons di Saída	SÉN MULTA NEN TAXA			SÉN MULTA NEN TAXA

BCCE ka ta pode garanti popansa pamódi tarifas di Eversource ta muda dos bês pa anu. Objektivu di agregason é prupursiona popansa au longu di vida di Prugrama.

*Tarifa atual di BCCE ta inklui (1) un Taxa di Sirvisus di Konsultoria di \$0,0007 pur kWh, ki ta ben aumenta pa \$0,0008/kWh na dizénbru, pa fasilita Prugrama; (2) un Taxa di Sirvisus Municipal di \$0,00011 pur kWh, ki ta ben aumenta pa \$0,00034/kWh na dizénbru, pa finansia kustus ku pesual pa Prugrama y Sirvisus di Prugrama.

*Tarifa pode aumenta si ten un alterason na lei ki ruzulta nun auméntu dirétu y matirial na kustus duranti vijénsia di kontratu.

PERGUNTAS FRIKUENTI

- **Kal k'é diferénsa entri Fornesimentu y Distribuison?** Taxa di forneshimentu na bu fatura di iletridadadi é kustu di iletridadadi ki bu uza duranti kada siklu di faturamentu. Taxa di distribuison é kustu pa faze manutenson di linhas di distribuison y transmison di iletridadadi y pa jeri bu kónta, ki ta inklui imison di bu fatura mensal, leitura di bu kontador, y prusesamentu di pagamentus.
Bu ka pode skodje kenha ki ta distribui bu iletridadadi, má bu pode skodje kenha ki ta fornese bu iletridadadi. Mudansa di fornecedor ka ta ten ninhun ifeitu na bus taxa di distribuison.
- **Kel-li ta afeta nhas binifisiu di asisténsia di iletridadadi ô planus di pagamentu?** Nau, bu ta kontinua ta resebe binifisius di Eversource.
- **Dja N skodje un fornecedor konpitivu, kuzê ki N debe faze?** Bu ten ki skodje opson di ka partisipa na BCCE, pa bu ivita kualker violason di kontratu. Pa skodje es opson li, manda kel karton di opt-out ki sta en anêksu, pa kureiu, prenxe kel formuláriu di opt-out na boston.gov/bcce, ô txoma Direct Energy, fornecedor atual di iletridadadi di Kámara Munisipal, pa númeru (855) 402-5868.
 - ◆ Kes morador ki ta prifiri ten BCCE komu fornecedor, invêš di ses fornecedor di iletridadadi atual, es debe kontakta Prugrama pa más ajuda.
- **N ten un kónta ku izenson di inpostu, kuzê ki N meste faze?** Pa mante bu statutu di izéntu di inpostu, manda un kópia di bu [Energy Exempt Certificate](https://www.energyexemption.com) (Sertifikadu di Izenson di Inerjia) pa email: usn.taxexemption@directenergy.com, pa fáks 800-5400-7428, ô pa kureiu, pa Direct Energy Attn: USN Tax Exemption at P.O. Box 180, Tulsa, OK 74101-0180.
- **N ten painel solar ô inerjia solar kumunitáriu; N ta kontinua ta resebe kréditus?** Sin, bu ta kontinua ta resebe kréditus di midison líkidu ô na fatura, y valor di kes kréditu la ka ta altera si bu partisipa na BCCE.

Pa sabe más, vizitá-nu online na boston.gov/bcce, txoma pa númeru **3-1-1**, ô manda email pa bcce@boston.gov.



Brian Swett

Responsável pa Klima | Gabinete di Ambienti, Inerjia y Spasus Abértu

CITY of **BOSTON**

1 CITY HALL SQUARE BOSTON, MA 02201-2021 | ROOM 709 | 617-635-3850 | BCCE@BOSTON.GOV

KONTIÚDU DI INERJIA RINOVÁVEL – Persentaji Izijidu y Vuluntáriu pur Anu

Fonti di Inerjia di Community Choice		Anu	Izijidu pa Stadu*		Vuluntáriu**		TOTAL
			MA Klasi I	Otu	MA Klasi I	Otu	
Boston Community Choice Electricity	PADRON	2025	27%	36%	15%	---	78%
		2026	30%	39%	15%	---	84%
		2027	33%	43%	15%	---	91%
	OPSIONAL BÁZIKU	2025	27%	36%	---	---	63%
		2026	30%	39%	---	---	69%
		2027	33%	43%	---	---	76%
	OPSIONAL VERDI 100	2025	27%	36%	73%	---	136%
		2026	30%	39%	70%	---	139%
		2027	33%	43%	67%	---	143%
SIRVISU BÁZIKU di Eversource		2025	27%	36%	---	---	63%
		2026	30%	39%	---	---	69%
		2027	33%	43%	---	---	76%

* Izijidu pa Stadu – Persentaji mínimu obrigatóriu di rikursus di inerjia rinovável izijidu pa lei di MA.

** Vuluntáriu – Inerjia rinovável adisional ki ta ultrapasa kel mínimu ki stadu ta iziji nun anu spisífiku.

Pa más ditalhi sobri izijéncias di inerjia rinovável na MA, vizita [mass.gov/info-details/program-summaries](https://www.mass.gov/info-details/program-summaries).



PRUGRAMA *BOSTON COMMUNITY CHOICE ELECTRICITY*

KARTON DI RISPÓSTA PA KA PARTISIPA

Si bu kre partisipa na Prugrama *Boston Community Choice Electricity*, bu ka meste faze nada.

Bu ta fika inskritu autumátikamenti.

Instrusons pa Opson di ka Partisipa

Si bu ka kre partisipa:

- 1) Sina y poi data
- 2) Poi na kel invilópi ki nu manda
- 3) Mandá-nu pa kureiu

Karton ten ki ser sinadu pa kel klienti ki se nómi ta parse na inderésu n'es karton li. **Invilópi ten ki ser karinbadu más tardar ti día 16 di otubru di 2025 pa skluí-bu di Prugrama antis di bu ser inskritu autumátikamenti.**

X _____

Sinatura

Data